

ՀԱՅԿԱԿԱՆ ՍՍՀ ԳԻՏՈՒԹՅՈՒՆՆԵՐԻ ԱԿԱԳԵՄԻԱՅԻ ԲՆԱԳԻՏՈՒԹՅԱՆ ԵՎ ՏՆԽՆԻԿԱՅԻ ՊԱՏՄՈՒԹՅԱՆ ԽՈՐՀՈՒՐԴԸ

Բնագիտության և տեխնիկայի պատմությունը Սովետական Հայաստանում իր ծնունդով կապված է հանրապետությունում գիտության բուռն զարգացման հետ: Դիտական և ուսումնական հաստատությունների ստեղծումը և հատկապես Դիտությունների ակադեմիայի հիմնադրումը 1943 թ. ոչ միայն անհրաժեշտ պայմաններ ստեղծեցին բնագիտության զարգացման համար, այլև հրամայական պահանջ դրեցին՝ չուրջ ու րենադատարար հետադոտել և վերլուծել անցյալի գիտական ժառանգությունը: Դա թելադրվում էր գիտության զարգացման ներկա ընթացքը ավելի լավ ըմբռնելու և ապագան կանխագծելու անհրաժեշտությամբ: Սովետական տարիներին Հայաստանում բնական գիտությունների զարգացման պատմությամբ ղրադվել են Հ. Ա. Օրբելին, Լ. Ա. Հովհաննիսյանը, Ա. Տեր-Պողոսյանը, Լ. Սևմյոնովը, Տ. Ղադանշյանը և ուրիշներ:

Սակայն առանձին գիտնականների նախաձեռնությունը խթանելու և բնագիտության պատմության բնագավառի աշխատանքներին լայն թափ և կազմակերպված ու պլանավորված բնույթ տալու համար անհրաժեշտ էր ունենալ պաշտոնական մի հիմնարկություն: Եվ ահա 1958 թ. ՀՍՍՀ ԳԱ նախագահությանն առընթեր ստեղծվեց Բնագիտության և տեխնիկայի պատմության հանձնաժողով, որը երկու տարի անց վերակազմավորվեց որպես Բնագիտության և տեխնիկայի պատմության խորհուրդ:

Խորհուրդը Հայկական ՍՍՀ գիտությունների ակադեմիայի գիտա-կազմակերպական և կոորդինացիոն օրգանն է բնագիտության և տեխնիկայի պատմության բնագավառում: Նրա հիմնական խնդիրներն են՝ մշակել բնագիտության և տեխնիկայի պատմության հարցերը Հայաստանում, կազմել հեռանկարային պլաններ, հրատարակության պատրաստել գիտական աշխատություններ, հրավիրել և կազմակերպել հանրապետական կոնֆերանսներ ու գիտական նըստաշրջաններ, ապահովել Հայաստանի գիտության պատմաբանների մասնակցությունը միութենական և միջազգային գիտաժողովներին, աշակցել և ուղղություն տալ բնագիտության

պատմաբաններին, կոորդինացնել նրանց աշխատանքները:

Ներկայումս խորհրդի կազմում գործում են բնագիտության և տեխնիկայի պատմության մեթոդաբանության, գիտատեխնիկական հեղափոխության տեսության և պատմության, մաթեմատիկայի և մեխանիկայի, աստղագիտության, բիմիայի, երկրաբանության, աշխարհագրության, կենսաբանության, տեխնիկայի, շինարարական տեխնիկայի, բժշկության և գյուղատնտեսության պատմության սեկցիաները:

Խորհուրդը միաժամանակ կատարում է նաև Բնագիտության և տեխնիկայի պատմության և փիլիսոփայության սովետական ազգային միավորման հայկական բաժանմունքի պարտականությունները, և այս առումով մեծանում է նրա ազդեցության ոլորտը: Խորհրդի սեկցիաների անդամներ են նաև ակադեմիայի համակարգին չպատկանող գիտական և ուսումնական հաստատությունների աշխատողներ: Այսպիսով խորհուրդը իր շուրջն է համախմբում հանրապետությունում գիտության պատմությունն ուսումնասիրող բոլոր մասնագետներին:

Սեկցիաները գործում են ըստ հնգամյա գիտա-հետազոտական պլանների, որոնք մանրամասն ու հանգամանորեն քննարկվում են սեկցիաներում և հաստատվում խորհրդի ընդլայնված նիստերում: Հետազոտական աշխատանքների արդյունքներն այնուհետև հրատարակվում են առանձին մենագրությունների կամ հոդվածների ձևով:

1960 թ. խորհրդի հրատարակությամբ հայերեն և ռուսերեն լույս տեսավ ակադ. Վ. Հ. Համբարձումյանի գրքույկը՝ «Գիտությունը Հայաստանում 40 տարում», իսկ 1973 թ. հրատարակվեց «Դիտությունը Հայաստանում 50 տարում» սովորաբաժավ գիրքը, որը ամփոփ ձևով տրվում է բնական և հասարակական գիտությունների զարգացման ընթացքը Հայաստանում սովետական կարգերի հաստատումից մինչև 1970 թ.: Սա կոլեկտիվ աշխատություն է, մասնակցությամբ 110 հեղինակների, որոնց թվում կան շատ անվանի գիտնականներ՝ ՀՍՍՀ ԳԱ ակադեմիկոսներ և թղթակից-անդամներ, գի-

տությունները և թեկնածուները կուլեկտիվ աշխատանք է նաև 1968 թ. լույս տեսած «Հայկական ՈՍՀ գիտությունների ակադեմիան 25 տարում» աշխատությունը, որը ներկայացնում է մեր հանրապետության գիտական այդ խոշոր համակարգի զործունեության ամբողջական պատկերը 1943—1968 թթ. ընկած ժամանակաշրջանում:

1960 թ. սկսած խորհուրդը պարբերաբար հրատարակում է գիտական ժողովածուներ «Բնագիտության և տեխնիկայի պատմությունը Հայաստանում» ընդհանուր վերադասությամբ: Լույս է տեսել ժողովածուի 5 հատոր¹, որոնցում ղեկավարած աշխատությունները նվիրված են բնագիտության պատմության տարբեր շարքերին և ժամանակագրական առումով ընդգրկում են հնագույն շրջանից մինչև մեր օրերը:

1962 թ. հրատարակվեց նվիրյալների երկրաչափության նորաշաղկապ հայկական տերստր², որը մեծ հետաքրքրություն է ներկայացնում հին և միջնադարյան Հայաստանում մաթեմատիկայի պատմությամբ զբաղվողների համար: Միաժամանակ այդ տերստր կարևոր աղբյուր է նվիրյալների երկրաչափության նախնական տերստր (հատկապես միջնադարյան տարբերակները) ուսումնասիրելու համար:

Տոմարագիտական և տիեզերագիտական աշխատություն է Հ. Ս. Բաղդյանի «Փրագույցի պատմությունը»³, որ տրվում է աշխարհի տարբեր ժողովուրդների օգտագործած տարբեր սիստեմաների օրացույցների, ինչպես նաև հայկական տոմարի պատմությունը:

Խորհրդի հրատարակությամբ լույս է տեսել Ռ. Բ. Գարրիկյանի «Միջին Նախադարյանը և բնագիտությունը»⁴ աշխատությունը, որ հեղինակը բացահայտում է կենսաբանության բնագավառում հայ հեղափոխական գեոմորֆոսի մատերիալիստական հայացքները:

Ուշագրավ է Բ. Գ. Մելքումյանի «Հայաստանի պալեոգեոգրաֆիկական պատմություն»⁵ աշ-

խատությունը: Հիմնականում ըստ արխիվային և ձեռագրային նյութերի, հեղինակը Հայաստանի մետաղագործության և լեռնային գործի պատմության ընդհանուր ֆոնի վրա շարադրում է պալեոգեոգրաֆիկական պատմությունը XV—XVII դարի երկրորդ կեսից մինչև սովետական կարգերի հաստատումը:

1968 թ. լույս տեսավ Լ. Ս. Կոնյանի «Բժշկագիտությունը Հայաստանում XI—XIII դարերում»⁶ աշխատությունը: Հեղինակը ցույց է տալիս, որ դարգացած ֆեոդալիզմի ժամանակաշրջանում հայ բժիշկները, հենվելով հելլենիստական, բյուզանդական և արաբական բժշկագիտության նվաճումների վրա, հաջողությամբ շարունակել են դարգացնել բժշկագիտության տարբեր ճյուղերը:

Հայկական հին ձեռագրերում պահպանված տեղեկությունների հիման վրա Դ. Գ. Հարությունյանը «Մանկաբարձությունը ու գինեկուլությանը Հայաստանում հին և միջին դարերում»⁷ մենագրության մեջ ցույց է տալիս այդ գիտության դարգացման բարձր մակարդակը X—XIV դդ.: Մասնավորապես նա նշում է, որ միջնադարյան Հայաստանում կատարվել են մանկաբարձական այնպիսի բարդ վիրահատումներ, ինչպես պտղաշրջումը, պտղահատումը և կեսարյան հատումը:

Տպագրության պրոցեսում են Հ. Ս. Բաղդյանի «Հայոց տոմար», Լ. Լ. Լևոնյանի «Հնագիտական կարապետյան» աշխատությունները և «Բնագիտության և տեխնիկայի պատմությունը Հայաստանում» ժողովածուի VI հատորը:

Մենք բավականին խորհրդի անմիջական հրատարակությունները: Հարկ է նշել, սակայն, որ բնագիտության պատմության վերաբերյալ հանրապետությունում հրատարակվող շատ աշխատությունների հեղինակները բնագիտության ու տեխնիկայի պատմության և փիլիսոփայության սովետական աղբյուրին միավորման հայկական բաժանմունքի անդամներ են, որոնք աշխատում են խորհրդի մասնակցությամբ նախօրոք կազմված գիտահետազոտական սլանի համաձայն:

Բնագիտության պատմության բնագավառում կատարվող աշխատանքներին մեծապես խթանում են միջազգային, միութենական և հանրապետական գիտաժողովները: 1959 թ. սկսած բնագիտության հայ պատմաբանները մասնակցում են գիտության պատմության միջազգային կոնգրեսներին: Երանցում հայ գիտության անցյալը լուսարանող գեկուցումներով հանդես են

¹ Բնագիտության և տեխնիկայի պատմությունից, հատ. 1, Երևան, 1960, հատ. 2, 1962, հատ. 3, 1964: Բնագիտության և տեխնիկայի պատմությունը Հայաստանում, հատ. 4, Երևան, 1967, հատ. 5, 1973:

² «Երկրաչափություն նվիրյալներ», Երևան, 1962 (տերստրը հրատարակության պատրաստեցին Գ. Բ. Պետրոսյանը և Լ. Գ. Սարգսյանը):

³ Հ. Ս. Բաղդյան, Փրագույցի պատմությունը, Երևան, 1970:

⁴ Ռ. Բ. Գարրիկյան, Մ. Նախադարյանը և բնագիտությունը, Երևան, 1966:

⁵ Բ. Գ. Մելքումյան, Հայաստանի պալեոգեոգրաֆիկական պատմություն, Երևան, 1972:

⁶ Լ. Ս. Կոնյան, Բժշկագիտությունը Հայաստանում XI—XIII դարերում, Երևան, 1968:

⁷ Դ. Գ. Արստյան, Гинекология и акушерство в Армении в древние и средние века, Ереван, 1974:

եկել ՀՍՍՀ ակադեմիկոս Ս. Տ. Երեմյանը, ՀՍՍՀ ԳԱ թղթակից-անդամներ Վ. Կ. Չալոյանը, Ա. Բ. Բաղդասարյանը, պրոֆեսորներ Գ. Բ. Պետրոսյանը, Ա. Ք. Հարությունյանը, Բ. Ե. Թումանյանը և ուրիշներ: Գիտության պատմության միջազգային XIII կոնգրեսում, որը տեղի ունեցավ 1971 թ. Մոսկվայում, Հայաստանից մասնակցեց 25 մարդ, այդ թվում 7-ը հանդես եկան ղեկուցումներով: Վերջին, XIV կոնգրեսում (1974, Ճապոնիա) «Հայ-բուլղանդական կապերը մաթեմատիկայի բնագավառում» թեմայով ղեկուցմամբ հանդես եկավ պրոֆ. Գ. Բ. Պետրոսյանը:

Ավանդական են դարձել գիտության պատմության անդրկովկասյան կոնֆերանսները, որոնք հաջորդաբար տեղի են ունենում Երևանում, Թբիլիսիում և Բաքվում՝ երեք հանրապետությունների, ինչպես նաև միութենական այլ քաղաքների գիտության պատմաբանների մասնակցությամբ: Դրանցից առաջին և չորրորդ կոնֆերանսները անց են կացվել Երևանում (1965 և 1972 թթ.): Երկու կոնֆերանսի նյութերն էլ հրատարակվել են առանձին գրքերով⁸։ Հայ գիտնականները ակտիվ մասնակցություն են ունեցել նաև գիտության պատմության անդրկովկասյան II և III կոնֆերանսներին, ըստ որում II կոնֆերանսում (1967, Բաքու) Հայաս-

տանից կարդացվել է 12 ղեկուցում, իսկ III-ում (1969, Թբիլիսի)՝ 26 ղեկուցում:

Խորհուրդն իր գործունեությամբ նպաստում է նաև կադրերի պատրաստմանը: Վերջին տարիներին գիտության տարբեր ճյուղերի պատմության վերաբերյալ թեմաներով պաշտպանվել են դոկտորական և թեկնածուական մի շարք դիսերտացիաներ:

Ներկայումս խորհուրդը նախապատրաստական աշխատանքներ է տանում 1976 թ. Բաքվում կայանալիք անդրկովկասյան կոնֆերանսին և գիտության պատմության միջազգային XV կոնգրեսին մասնակցելու համար (վերջինս տեղի կունենա 1977 թ. էդինբուրգում):

Խորհրդի առաջիկա խնդիրներից հիմնականն է՝ ստեղծել աշխատություններ այն գիտությունների պատմության գծով, որոնց վերաբերյալ առայժմ չկան առանձին մենագրություններ և ապա եղած բոլոր աշխատությունների հիման վրա տալ բնագիտության սկզբնավորման ու զարգացման ամբողջական պատմությունը Հայաստանում մինչև սովետական կարգերի հաստատումը: Սովետական շրջանի պատմությունը նախատեսվում է տալ առանձին գրքով, որը կընդգրկի 60-ամյա շրջան (1920—1980 թթ.):

Պրոֆ. Գ. ՊԵՏՐՈՍՅԱՆ

ԹՈՐՈՍ ԱԶԱՏՅԱՆԻ ՀԱՎԱՔԱՄՈՒՆ

Պոլսահայ նշանավոր գրող, բանասեր և մշակութային գործիչ Թորոս Աղատյանի (1898—1955) արխիվային նյութերի հավաքածուն Հայաստանի Դրականության և արվեստի թանգարան է տեղափոխվել 1957 թ. նրա այրու՝ տիկին Շուշանիկ Աղատյանի, եղբոր՝ Վահան Աղատյանի և պոլսահայ մտավորականության ներառյալ օժանդակությամբ¹:

Հավաքածուն ընդգրկում է 15000-ից ավելի

վավերագրեր, որոնք բնութագրում են Թ. Աղատյանին որպես գիտական-պատմական վավերագրերի բազմաճյուղ հավաքիչ:

Թ. Աղատյանը 1920—1950-ական թթ. հրատարակել է երկու տասնյակից ավելի գրքեր՝ «Աղբյուր անմահության» բանաստեղծությունների 3 հատորները, «Զմրուխտե պատմության» խորագրով պատմվածքների, արձակ բանաստեղծությունների և հեքիաթների ժողովածուն և այլ գեղարվեստական գործեր, մենագրություններ Կոմիտասի, Միսաք Մեծարենցի և այլ մշակութային գործիչների մասին, պատմական հետազոտություններ Պոլսի հայկական վարժարանների, ամիրայական տների, պարբերական մամուլի վերաբերյալ: Նրա գրչին են պատկանում «Ակն ու ակնեցիք» ուշադրավ ազգագրական աշխատությունը, տարեգրքեր, հուշամատյաններ, հուշագրություններ, ուղեգրություններ: Միևնույն ժամանակ նա եռանդուն մասնակցություն է բերել պոլսահայ մամուլին, երեք տասնյակից ավելի պարբերականներում տպագրել է հարյուրավոր հոդվածներ հայ գրականության անցած ու ժամանակակից դեմքերի

⁸ «Вопросы истории науки», Ереван, 1967; «Труды IV Закавказской конференции по истории науки», Ереван, 1974.

¹ Այսպիսի հայրենասիրական լավ գործ են կատարում նաև Հիբանանի, Եգիպտոսի, Իրանի, Ֆրանսիայի և ԱՄՆ-ի առաջադիմական կազմակերպությունները, խմբագրությունները, առաջավոր մտավորականությունը, որի շնորհիվ տարեց-տարի աճում են Հայաստանի Դրականության և արվեստի թանգարանի ֆոնդերը՝ զաղափար տալով արևմտաօսման գրական, թատերական և երաժշտական կյանքի մասին: